

## 1. Avtalevilkår

*Smart-pluss-timespot Bømlo*

## 2. Generelt

Ved bestilling gir kunden Finnås Kraftlag fullmakt til å:

- Setje i verk og melda inn leverandørbytte til nettselskapet.
- Hente inn nødvendige opplysningar frå nettselskapet, for å gjennomføre leverandørbytte.
- Melde ut- og innflytting til nettselskapet ved flytting. Sjølv om avtalen med nettselskapet vert inngått av Finnås Kraftlag i samsvar med fullmaktene over, blir kunden fullt ut part i kontraktsforholdet med nettselskapet.
- Henta inn måleverdiar innan kl 09:00 etterfølgjande dag.

Finnås Kraftlag må ha motteke målarstand frå kunde for å kunne starte straumleveransen. Målarstanden må ikkje vera eldre enn 20 dagar.

## 3. Leveringsvilkår

**For privatkunder:**

[Standard kraftleveringsavtale-privat](#), forhandla fram av Forbrukerombodet og bransjeorganisasjonen Energi Norge, **saman med [vilkåra i dette dokumentet](#)**, gjeld for kontraktsforholdet, med mindre anna går fram av den enkelte avtale eller anna spesielt skriftleg grunnlag.

**For næringskunder:**

Gjeld [Standard kraftleveringsavtale-næring](#) saman med **vilkåra i dette dokumentet**.

Finnås Kraftlag har rett til å foreta kredittvurdering av kundar og kunne avslå/avslutte leveranse eller krevje garanti eller forskotsbetaling frå kundar der det ligg føre sakleg grunn for det.

Straumleveransen frå Finnås Kraftlag startar vanlegvis 2-3 veker etter inngått avtale.

I dei tilfelle der kunden har angrerett, gir kunden Finnås Kraftlag rett til å starta leveransen før angrefristens utløp. Dersom kunden likevel nyttar seg av angreretten, må kunden betala for straumen som blir levert frem til leveransen er avslutta.

Me tek atterhald om prisendringar som følgje av endringar i offentlege avgifter/pålegg, samt endringar i andre rammevilkår og anna for straumsalsverksemd i sluttbrukarmarknaden.

Prisar vert oppgitt inklusiv meirverdiavgift.

Finnås Kraftlag har ingen faste månedlege beløp. Finnås Kraftlag kan endra priselementa (faste månedlege beløp) og avtalevilkår med 30 dagars varsel, enten ved direkte skriv til kunde, via kunngjering eller på annan eigna måte. Preiselementa kan justerast årleg i samsvar med endring i konsumprisindeksen, siste 12 månader, utan nærare varsel.

## 4. Betalingsvilkår

Forbruk vert fakturert etterskottsvis kvar måned, basert på reelt eller forventa (stipulert) forbruk.

### Generelt:

Betaling frå kunden blir godskriven den til ei kvar tid eldste uteståande post i kunden sin konto. Ved betaling til Finnås Kraftlag sin innfordringspartner blir eventuelle overbetalningar vurdert mot andre uteståande postar. Dersom innfordringspartner ikkje har andre uteståande postar, blir betalinga overført Finnås Kraftlag og godskriven kunden sin konto.

Faktura vert sendt ut til kunden anten som e-faktura, papirfaktura eller annan elektronisk sendemåte. Dersom kunden vel ein annan fakturatype kan det komme fakturagebyr i tillegg, etter dei til ei kvar tid gjeldande satsar.

Dersom kunden ikkje betalar faktura innan forfallsdato kan Finnås Kraftlag eller Finnås Kraftlag sin innfordringspartner senda varsel om purring til kunden sitt registrerte mobiltelefonnummer eller e-postadresse.

Dersom kunden ved opphøyr av kundeforholdet har noko til gode hos Finnås Kraftlag, vert beløp over kr 50 utbetalte.

## 5. Vilkår for våre Kraftavtaler:

### I. Smart-pluss-timespot Bømlo

Kraftprisen for levert energi er gjeldane spotpris for vårt område (NO2 Kristiansand) pluss eit påslag på 5øre/kWh.

Avtalen har eit variabelt påslag i øre per kWh. Det variable påslaget kan endrast med 30 dagars varsel via SMS og e-post. I samsvar med Lov om elsertifikat inneheld påslaget kostnader til kjøp av elsertifikat.

Det vil bli lenka til Nordpool spot sine prisar på vår nettside.

Avtalen gjeld til den blir sagt opp. Begge partar kan fritt seia opp avtalen med 14 dagars varsel, utan at det ligg føre krav om sakleg grunn.

## 6. Kjøp av produksjon frå plusskunde:

Finnås Kraftlag AS kjøper kraft frå plusskunde til Spotpris (NO2). Kunder som ikkje er MVA pliktige får betalt utan påslag for mva.

Generelle vilkår: Bransjen sine «Standardvilkår»

Spesielle vilkår: Ein plusskunde er ein privat forbrukskunde som i enkelttimar har overskottskraft som kan matast inn i nettet. Innmata effekt må ikkje overstige 100kW. Plusskunder som inngår plusskundeavtale med Finnås Kraftlag AS må også kjøpa straum for sitt vanlege straumforbruk hos Finnås Kraftlag. Overskotskrafta sel ein til Finnås Kraftlag AS mot betaling. Definisjonen av plusskunder følger det til ei kvar tid gjeldande reglementet frå NVE. Overskot av elektrisitet (kraft) frå solcelleanlegget skal overhalda nettselskapet sitt krav til spenningskvalitet og effektflyt.

### I. Prisgaranti

Finnås Kraftlag gir 6 måneders vilkårsgaranti etter avtaleinngåing.

## 7. Angrefrist

Du har 14 dagars angrerett etter bestilling.

[Angrefristskjema](#)